



**Via Veritatis Ad Vitam Sev Exercitia Spiritvalia**

**Haineuve, Julien**

**Antverpiae, 1652**

Dvodecima Veritas. Totam scientiam Euangelicæ, moralisque doctrinæ Jesu Christi, in eo consistere, vt scias eius exemplo, abstinere, agere, & pati. Consideratio de Orationibus quæ voce proferuntur, ...

---

[urn:nbn:de:hbz:466:1-60125](#)

## DVODECIMA VERITAS.

Totam scientiam Euangelicæ , moralisque doctrinæ Iesu Christi in eo consistere , ut scias eius exemplo, *Abstinere, Agere, & Pati.*

*Si quis vult venire post me , abneget semetipsum , & tollat crucem suam quotidie, & sequatur me. Luc. 9.*

## MEDITATIO

in hanc duodecimam veritatem.

## I. PVNCTVM.

*Declaratio eiusdem veritatis.*

Q Vamquam Iesus , teste Propheta & Apostolo , verbum sit abbreviatum , (a) & re ipsa solus ille complectatur quidquid vetus testamentum prædixerat , præsignaratque nihilominus sacrum ipsius Euangeliū , & actiones ad imitandum nobis propositæ , tam latè patent , atque ad tam varia extenduntur , ut difficile nobis esset meminisse omnium , quæ docuit , fecitque ad instructionem nostram , nisi illa ipse contraxisset ; & hæc fortasse ratio est , cur non minus verbum abbreviatis ,

(a) *Is. 15. & Rom. 9.*

uians, quām abbreviatum nuncupetur, quod totam Euangelij, suęque moralis doctrinę scientiam contraxerit in hęc verba : *Abſi-  
nere sustinere, & agere.. Qui vult, inquit, venire post  
me, abneget ſemetipſum, en abſtinere; tollat crucem  
ſuam, en ſustinere; & ſequatur me, en agere illius  
exemplum.* Quisquis igitur ſciuerit, habue-  
ritque in uſu hęc tria verba, quae in diuinissi-  
ma Christi ſententię continentur, næ ille to-  
tum Euangelium, totamque doctrinam que  
ad mores, & nouum vitę, quod aggre-  
dimur, iuuitum pertinet, complexus  
ſit!

Hinc proponitur nobis duodecima Veri-  
tas, tam ap̄e subiecta præcedenti, ut illius ſi  
expositio, & ſit ſumma omnium, quae Magi-  
ſtri & Ducis nostri exemplo facere iam ſta-  
tuimus. Nos alloquitur, dum ait : *Qui vult  
venire post me; nos enim volumus, nos iſtud  
profelli ſumus, & ratum firmumque habe-  
mus. Solū ſupereft, ut hanc veritatem  
benē animo comprehendamus, & ex integro  
nos accingamus ad eius uſum exercitiumq;*

Hanc ob rem, cogita, quibuscumque circa  
vitę emendationem conceptis propositis,  
ſemper relinqu in anima quoddam germe  
peccati, & malorum radicem, quam vocant  
Concupiſcentiam, & a natura inditam pro-  
clivitatem, quā ferimur in honores, in volu-  
ptates, in opes, & vnde alij omnes affectus &  
animi perturbationes enascuntur. Verū hi  
omnes

(a)

omnes affectus & perturbationes non ha-  
bent propriè loquendo, nisi duos morus, na-  
turales, ex quibus omnia scelera existunt, al-  
terum amoris & prosecutioñis erga bonum  
sensibile, alterum odij & fugae à sensibili malo.  
sicut cor hominis viuit motu duplice systole,  
& diastole, quorum uno recentem aërem at-  
trahit, altero nimium calorem exspirat, ita  
corrupta natura, vel amor proprius, qui cor-  
est vitæ sensualis, solum aspirat ad bona sua  
naturalia, suas voluptates, suasque oblectatio-  
nes, vnde desideria, amor & gaudia: si vero a-  
lio aliquo motionis genere agitetur, fit, ut  
se contrario malo expediat, vnde mœrores,  
tædia, iræ, odia, pœnæ & ægriudines. Inde  
peccata omnia promanant: quid enim aliud,  
exempli causa, superbia, quam immoderatus  
amor excellentiæ, quam ex honore & opi-  
nione aliorum capta oblectatio, quæ ex na-  
turæ genio nobis arridet? (a) aut quid est a-  
liud, quam auersio & odium illius contem-  
ptus qui naturæ contrarius est atque intole-  
rabilis videtur? Inuidia est gaudium de malo  
alterius, quasi nobis bene foret, quod alteri  
male: & odium boni alieni, quasi male nobis  
esset, quod alteri bene. Ira nil est aliud, quam  
amor vindictæ ob voluptatem nobis in-  
de prouenientem; aut impatientia ma-  
li aduersus nos commissi. Luxuria est a-  
mor inordinatus turpium voluptatum:

&amp;

(a) v. Aug. in Psal. 79.

& odium continentiae, veluti mali sensibilis huic turpi voluptati oppositi. Gulæ intemperantia consistit in prosecutione ciborum aut nimiorum, aut nimis delicatorum: aut est fuga abstinentiae nos ea oblectatione priuantis. Auaritia est nimius amor diuitiarum, & odium paupertatis velut mali oppositi. Denique Acedia nihil aliud est quam prosecutio quietis & desidiæ, aut fuga laboris, captandam ex otio volupratem, amoturi.

Quæ cùm ita sint, vti patet ex enumeratione capitalium vitiorum, videntur etiam virtutes omnes, quæ illis sunt oppositæ, & quarum exempla nobis Christus reliquit hisce duobus actibus, abstinentia nimis & sustinendo, potissimum constare. Humilitas, quæ adueriatur superbiæ, in eo sita est, quis à prosecutione affectuque honoris abstineat, aut sustineat contumeliam, iniuriam, contemptus. Charitas opposita Inuidiæ, abstinet ab oblectatione ex alieno malo proveniente, & sustinet illam animi ægritudinem, quæ ex alterius felicitate posset oboriri. Mansuetudo non aliter iram frænat, quam abstinentia ab vltionis voluptate, & sustinendo iniuriæ nobis illatæ molestiam. Castitas hostem suum compescit, dum libidine abstinet, & generosè sustinet ortas a continentia difficultates. Quis usus Temperantiae, nisi vt abstineamus ab immoderato nimisque exquisito victu, potuque, & ieiunii sustin-

sustineamus & parud viuamus? Quid efficit liberalitas aut paupertas Religiosa? nempe ut abstineamus Dominio & possessione rerum voto jam abdicatarum , aut à nimio bonorum , in nostra potestate sitorum, affectu; & vt incommoda & necessitates, quas secum fert inopia , æquo animo sustineamus. Diligentia aut deuotio qua ratione desidiā propulsat,nisi abstinendo à nimio otio , ignauia: voluntarijs animi euagationibus , aut molestiam , quæ à labore & precibus percipitur sustinendo?

Id enim uerò est abnegare semetipsum, sic suis cupiditatibus abstinere , & est ferre Crucem suam , (a) cùm quis sustinet aut Christi aut aliorum similiū incitamentorum gratiā, quidquid difficile , molestumque est. Atque ita intelligendas est vsus duorum horum vocabulorum, *abstinere* & *sust nere*, quæ virtutes omnes constituunt quatenus suis vitijs oppnuntur,eorumque impetum infringunt.

Sed quia virtuti parūm est malum impedire , nisi etiam bonorum operum exercitio se se impendant, idcirkū terria vocula additur, *Agere* , quod tum fit , quando istud agitur, quod fieri vult Deus à nobis ; quando ex ip-

## I

fius

- (a) Non sufficit passio malorum, nam & latrones multa patiuntur; patienda sunt mala propter Christum eiusque virtutes adiendiæ. Chrysost.
- (b) Quæ didicistis & accepistis, & audistis, & vidistis in me, hæc agite. Phil. 4.

sius gratia , & spiritu agitur , non ex meritis  
 naturæ impulsibus; quando insistit Christi  
 vestigijs, & iuxta eosdem fines & intentiones,  
 quibus ipse ad agendum mouebatur, actio-  
 nes instituuntur. Et sic eadem opera, qua per  
 Humilitatem , Caritatem , Mansuetudinem ,  
 Temperantiam , Deuotionem , aliasque vir-  
 tutes, abstinebis à voluptate, quæ peccatum  
 constituit , & sustinebis incommoda quæ ad  
 illud euitandum , aut bonum exercendum,  
 sustinenda sunt; Ages pro re nata, orabis, ver-  
 saberis inter homines, colloqueris , tractabis  
 negotia, incubes studijs & muneri cuicun-  
 que tuo, prout illæ ipsæ virtutes te instruent  
 & iuxta præbitum tibi à IESV exemplum , &  
 oblatam , eas opere ipso, exequendi occasio-  
 nem. Adeoque vides planam hanc esse veri-  
 tatem , quod scire usum horum verborum  
 scilicet abstinentiæ, sustentationiæ, agendi , & abnegationiæ  
 semetipsum , portare crucem suam , & sequi  
 IESVM, agendo quod ille vult , & quomodo  
 vult , & quia vult , sit perspectum habere to-  
 tum Euangelium , viuueriamque morum  
 Christianorum doctrinam.

O mi IESV, qui non minus potens es ut  
 facias nos velle ea facere quæ scimus , quam  
 ut doceas , quæ nobis sunt facienda , vrgem meam  
 in oblatis , sensum horum trium verbo-  
 rum exequendi , occasionibus tam validè  
 quam clarè eum , eiusque usum mente  
 complexus sum , & quam me profiteor  
 obstru-

obstrictum , vt in occasionibus me impen-  
dam:

## II. P V N C T V M.

*Aduersio ad vitam præteritam , &  
statum præsentem.*

Posses hinc dolere & detestari licentiam,  
quam tibi antehac indulisti prosequen-  
do tuas voluptates, & effugiendo pro viribus  
omnes patiendi occasions, vnde pluribus vi-  
tis, quam virtutibus imbutus es. Posses meri-  
to formidare, ne prauos aliquos habitus con-  
traxeris, qui propensioni naturæ coniuncti,  
te in eiusmodi amoris & odij affectus abri-  
piant, pro ratione occurrentis boni vel mali  
sensibilis, vnde opus erit maiore gratia, cu-  
raque attentiore, vt recte abstineas, susti-  
neasque; posses præterea, & iure quidem, me-  
tuere, & in hoc metu demittere animum, ne  
propter tantam tuam ignauiam ac perfidiam  
merearis potius à Deo derelinqui quam ne-  
cessariis fulciri præsidijs, & hæc plerumque  
poena negligentes sequitur, vt cum nolue-  
rint, quando potuere, non possint, cum vo-  
lent. Haberesque ex his magnam variorum  
affectuum segetem, vt Contritionis, Humili-  
tatis, Deprecationis, Spei, aliorumque simi-  
lium.

Sed , cui potissimum attendere debes, est,

vt errore quodam animum liberes, qui impe-  
dimento esse queat executioni huius verita-  
ris : scilicet exiguum plerunque operam ad-  
hiberi, vt abstineatur à delitijs, quòd istud exi-  
stimetur neque admodum difficile neque  
ranti esse, quanti sustinere oblatas difficul-  
tes , in difficultariis vero sustinendis idcir-  
co simus ignauiores , quòd eas non lubeat  
experiri : atque ita semper hæremus in vitiis  
nostris, & sola intelligentia , non vsu hanc ve-  
ritatem ediscimus. Qui obex eiusmodi est  
vt nisi remoueas , brevi in eisdem affectu  
deducendus sis , quibus ante hæc exerciti  
implicabare.

Tamen si facilius sit abstinenre honoribus,  
voluptate , quam sustinere contumelias &  
incommoda, scire tamen semper oportet. A-  
postoli exemplo , (a) rectè vti oblatis hono-  
rum, voluptatum & opum occasionibus, nam  
subinde ex ijs pro ratione , pro officio , pro  
necessitate , aliquid admittendum est ; alia  
ijsdem penitus abstinentium , neque mino-  
est virtus, eo pacto, quo Deus permittit, au-  
iuxta exemplum à Christo nobis relictum  
capessere honorem , voluptatemve quam ij  
penitus abstinenre , aut æquo animo incom-

(a) Ego didici, in quibus sum, sufficiens esse. Scio &  
humiliari, scio & abundare (vbiue & in omnibus  
institutus sum) & satiari & esurire, & abundare  
& penuria pati ; omnia possum in eo, qui me con-  
f. rta. Phil. 4.

moda opposita tolerare. Hoc effatum meum expende serio, videbisque verius esse, ac momenti maioris, quam prima fronte videatur.

Adhæc intolerabilis error quoque est, nolle idcirco studere ferendis incommodis, ne cogaris sustinere, aut de discenda aliquando tolerantia spei omnem abijcere. Id enim esset falsi arguere magistrum nostrum, qui vult à se disci virtutes, (a) virtutibus autem semper est aliqua adiuncta difficultas, quæ sine studio & tolerantia superari non potest. Anime inquit, quid trepidas, dum studendum est ferendis adversis! Discis pati, ut minus patiare, neque enim quidquam nobis in hac vita grauius accidit, quam quod non sciamus grauia nobis imminere, & modum, quo sustinenda sunt, ignoremus.

(a) Matth. 21.

### III. PUNCTVM.

#### *Propositorum in futurum.*

**C**VIN iam deliberatum sit perfectè se Christo Domino consecrare, atque tam arcta societate illi coniungi, ut nullus nos casus ab eo diuellat; nihil aliud reliquum esse videtur, nisi ut quamprimum applicemus manum operi, & usum trium illorum vocalulorum, *Absinendi*, *Agendi* atque *Patiendi*, quæ totam artem continent.

nent illius vniōnis, aggrediamur. Incipe igitur  
iam nūc, neque differ in finem exercitiorum,  
quod heu! nimium hactenus dilatū est; & verò  
praxim hāc sanctiōrem (a) aggredere potius,  
quia Iesus ed te suis verbis, inuitat, prætque  
exemplō suo, quā quod id scripserit Epictetus  
aliquis, aut quād ratio doceat, aut common-  
stret experientia; Cūm enim deinceps effici  
debeat tota vita spiritualis, & hoc vitæ ge-  
nus pēdeat ab usu trium illorum verborum,  
vſus quoque spiritualis sic & supernaturalis  
oportet: non erit autē, nisi procedat à stimulo  
supernaturali, qualis est Christi Iesu, qui  
præ cæteris omnibus ea gaudet prærogatiua,  
vt vñā sit Diuinus & humanus, supra & se-  
cundum naturam, sublimissimus, idemq[ue]  
perfacilis, nam quid diuinus, quid magis  
supra naturam, quid denique sublimius est  
Christo Deo? & quid humanius, quid natu-  
ralius, quid facilius excogitari potest, Chri-  
sto nomine? Cogitata rerum mērē spiritua-  
lium nimis difficultia sunt imaginandi fa-  
cultati, vt diutius illis hæreat; rerum ver-  
mērē corporearum, humanaarum & natura-  
lium abiectora sunt quām vt instituto nostro  
finem supernaturalem spectanti deseruian-  
vnde sit, ea, quæ de Iesu concipiuntur, (b)

(a) Finis propositi nostri Christus est. August. in pl.  
4. vt ita simus nostro probati Imperatori. Am-  
broſ. I. Offic.

(b) v. Bernard. ser. 15. in Cant. item serm. 20.

esse  
& d  
sub  
ing  
inf  
lus:  
P  
qua  
sint  
esse  
gita  
nor  
dun  
quo  
est,  
ner  
mis  
mo  
S  
hod  
grec  
Dor  
pro  
tran  
aliu  
ritus  
nific  
mus  
strat  
satis

(a)

esse ad occupandam mentem aptissima, cùm & diuini aliquid habeant & humani, itaque sublimia sint, vt tamen non excedant vires ingenij tam facile hominis imaginem animo informantis, quād haud difficulter illum oculus intuetur.

Prætereà, non constat, Deo placere, vt quasvis alias cogitationes, vt cumque bonæ sint, in animum admittamus, cùm forsitan esse possint à conditione nostra alienæ, at cogitationes de Iesu nullison conditioni, nulli non tempori conueniunt. Certumque est, dum cogitamus Iesum, nos idem cogitare, quod cogitat Deus, nam Patri vna cogitatio est, verbum scilicet suum, quod continuò generat in se, quodque optat continuò in animis nostris, in intellectu, in voluntate, in memoria nostra generari.

Si igitur illud decretum nostrum, quod hodie aut statuimus, aut innouamus, nos aggredi hanc praxim ex vi verborum Christi Domini, ad imitandas illius virtutes, & ad prosecutionem ultimi finis nostri, vnde contraria virtus nos abduxerant. O Iesu, ad quem alium ibimus? verba vita eterna habes? verba tua spiritus & vita sunt; (a) id operantur, quod significant, quando nos alloqueris, vt abnegeamus nosmetipos, vt tollamus crucem nostram, & sequamur te; serio sanè volumus, & satis est meminisse, atque mentis auribus

haurire tua verba, quasi nos alloquereris, & semper velimus: & sola tuorum verborum tuæque personæ recordatio idem efficit in anima fidelis, tuique amante, quod olim in oculis & auribus eorum, qui te coram intuebantur, aut loquenti auscultabant.

## COMPENDIVM MEDITATIONIS in duodecimam veritatem.

### I. P V N C T V M.

#### *Declaratio eiusdem.*

**A**ppositi in sacris litteris nominati Christus verbum abbreviatum, & abbruians quod à Patre æterno factus sit, vel Epitome veteris testamenti, & ipse totam artem sui Euangelij contraxerit in hæc tri verba. *Abstine, Sustine & Age*, quæ hac monumentis omnibus dignissima sententia continentur: *Qui vult venire post me abneget semetipm tollat crucem suam, & sequatur me.*

Abnegare semetipsum, est abstinere cupiditatibus nimirum naturalibus, quibus in bonum sensuale semper proni ferimur. Tollerare crucem suam, est sustinere tædia & difficultates, quas ferendo malo sensibili, quod a exequendam Dei voluntatem, ferendum experimur. Et sequi Iesum est oblata quæcumque opportunitate agere potius ex prescrip-

scripto gratiæ quam naturæ ; potius ad illius exemplum, ad fines & intentiones illius, quam ob rationes humanas , aut consilia merè naturalia.

Quisquis vsum nouit horum verborum, idem quoque perspectam habet virtutem omnium, in Euangeliō commendatarum experientiam : nam iustitia Christiana , quæ virtutes omnes complectitur , duo dumtaxat à nobis exigit , ut declinemus à malo, & facimus bonum : à malo autem declinamus , abstinendo & sustinendo ; & facimus bonum, agendo ex spiritu & exemplis Christi Iesu. Anime mi, ne causare ignorantiam, si non sat agis de perfectione tua ; tria tantum scire verba, & quæ sciueris, exequi oportet, ut debitam perfectionem assequaris.

## II. PUNCTVM.

*Aduersio ad vitam præteritam præsentemque.*

M Agnum hīc tibi argumentum offertur detestandæ vitæ præteritæ , quæ tota per actus hisce tribus oppositos, traducta est, quæq; plurimos vitiorum habitus contraxit, vnde tibi evader virtutum exercitatio difficultor at grauissimum , quod ex præteritis; tibi reliquum est , malum , & ex quo metuere iure potes magnum futuris temporibus

I S

impe-

impedimentum, est error aliquis, quo mente tuam imbuit proprius amor, dum persuasit, hinc nihil magnoperè contendendum, ut disceres abstinere, quasi id, præsustinendo, foret leuissimum; illinc verò vix inducis in animum, ut discas sustinere, ita vocem illam horret naturæ genius, metuisque scire, quod facere non allubescit. Vnde fit, ut, tametsi duo, triāve tantum verba perdiscenda sint, haud magis proficimus, quam si totam mollem sacrorum voluminum scire nos oportet, eò quod, hæc verba solo usu exercitazioneque addiscantur, quam adhibere recusamus: paruipendimus ea, quæ scitu facilita videntur, quæ verò difficilia, defugimus, adeoque nihil unquam scimus aliud, quam ex naturæ legibus viuere quod modum ei resistendi, quem docent illa verba, non ediscamus.

Anime mi, si tam expeditum tibi viderur, abstinere, cur occasione natâ non abstines? & si nescis sustinere, cur non adhibes operam ut scias, maximè cùm hinc non exaggeretur labor sustineadi? Imò verò istud potissimum laboreminuit, & difficultatem, si pati scias. Agnosce igitur culpam tuam, & dole.

III. PVN.

## III. PUNCTVM.

*Propositum in futurum.*

**D**Eliberatum iam quidam est , sed nihil dum madatum executioni, semper enim procrastinamus ; Itaque omnis cunctatio nobis abrumpenda est , statuendumque iam nunc aggredi exercitationem trium illorum actuum , quos Christus verbo & exemplo nos docuit , & quia nos docuit , eoque invitat.

Explicitus, atque alij nonnulli Philosophi, lumine rationis hanc quidem morum doctrinam assediti sunt , alijsque tradiderunt, sed non exercevere, neque eum exercendi modum docere potuerunt , quem docuit Iesus: facit enim id modo prorsus supernaturali & spirituali; nam cum sectemur vitam spiritualem , sitam in vsu trium horum verborum, ipsum quoque usum omnino spiritualem esse , necessum est ; non erit autem unquam spiritualior , quam si solum Iesum habeamus praeculis, quo nihil sublimius , sed neque facilius cogitari potest , cum Deus idem sit & Homo, inde obiectum intelligentiae nobilissimum, hinc, quia homo est, expeditissimum, solius Dei cogitatio perquam difficilis est, solius hominis, vilior est, quam ut animi expleat, at Dei simul & hominis eiusmodi.

modi est , vt in ea possit & intellectus & voluntas conuiescere; Non semper mihi liquet velitne Deus hisce vel illis obiectis me mentem applicare ; sed illud habeo exploratissimum, placere illi, vt semper cogitem de filio eius Iesu Christo , quem quoties cogitauero, roties eadem , cum illo , fruar cogitatione, quandoquidem Deus vnam habeat solum cogitationem verbum scilicet suum , & Filium, quo res omnes cæteras cognoscit, creare.

*V*tinam hæc animæ nunquam excidat cogitatio , ne tum quidem cum à corpore dissoluerit! nam nulla , neque viuenti , neque morienti potest esse salubrior , suauior que.

### C O N S I D E R A T I O in quartum diem.

*De Orationibus, quæ voce proferuntur,  
seu ex fiant ex obligatione , seu  
spontanea pietate.*

1. *I*n præsentia Dei constitutus , & implorata eius ope in rem præsentem necessaria , gratias age Christo Domino ob traditam nobis precandi formulam, quam orationem vocamus dominicam , quæque omnium est noblissima, facillima, & maximè efficax.

2. Con-

2. Considera, quandoquidem Christus de effectu precum nostrarum, modò benè re-cteque fiant, nos iusserit esse securos, & dubi-tari nequeat, quin hæc sit perfecta atque modis omnibus absoluta, deberemus vtique fieri compotes omnium, quæ in illa conti-nentur, nisi nos obicem poneremus, qualem tu maximè opponis?

3. Sic aduerte tuos defectus debitæ reue-rentiæ & attentionis, ut simul etiā agnoscas interiora tua cum postulatis tuis non con-sentire, respuis ea, quæ postulas; ab ijs tam procul cor tuum, quām vitium à virtute: nam septem petitiones huius Diuinæ orationis complectuntur septem virtutes totidem ca-pitalibus vitijs oppositas; & donec erit cor hisce vitijs deditum, non applicabitur sanè orationi. An non graue istud im-pedimentum est?

4. Prima Petatio, *Sanctificetur nomen tuum*, opponitur superbiæ nostri nominis existi-mationem apud homines occupanti. Altera, *Adueriat regnum tuum*, repugnat avaritiæ, quæ magis huius, quām alterius vitæ bonis inhiat. Tertia, *Fiat voluntas tua*, oppugnat Iram, quæ casibus à diuina voluntate prouenientibus in-dignatur. Quarta, *Panem nostrum quotidianum da nobis hodie*, pudorem incutere debet Gulæ nostræ, cupedias & lauitias sectan-ti. Quinta, *Dimitte nobis debita nostra*, sicut nos dimittimus debitoribus nostris, exprobrat nobis

nobis nostras Inuidias & vindictæ cupiditates quas aduersus alios in animo fouemus. **Sexta**, *Ne nos inducas in tentationem*, accusat illam viuendi licentiam, quâ inducimus nos ipsos in mala, quæ nec nominare, nec cogitare fas est. **Septima**, *Libera nos à malo*, inuehitur in accediam, quæ nō permittrit nos cum Deo laborare, ad euadenda illa mala, quo r̄um liberationem nos cupere simulamus. Hi sunt veri obices, qui non remouentur, nisi inter orandum, ea vitia detesteris, aut serio desideres virtutes illis oppositas.

**5.** Lege in libello Exercitiorum tres orandi modos, qui vñui esse possunt in ægritudine, in i:ineribus, aut cùm Meditatio commode instiui non potest.

**6.** Est & aliis orandi modus per preces, vi vocant, Iaculatorias, quæ idenidem, pro deuotione, & aliis occurrentibus necessitatibus usurpantur. **Quis** tibi illarum vñus est?

**7.** Preces ex obligatione, semper anteferendæ sunt ijs, quæ ex deuotione assumuntur: obligatio nobis oritur vel à statu præcipiente officium diuinum, quod Breuiarium dicimus, vel à Regula quædam preces indcente, vel à sacramento Pœnitentiæ, vel ab aliquo superiorum præscripto, vel à voto nuncupato, vel denique ab aliqua necessitate, à qua sine peculiari diuinæ opis auxilio emere non possumus. **Quomodo** in ijs te geris?

**8.** Off-

8. Officij Diuini recitatio tribus conditio-  
nibus affectaesse deberet, nempe ut fiat atten-  
tè, religiosè, & tempore suo : vbi tu potissi-  
mum offendis, & quod remedium?

9. Preces deuotionis spontaneæ non sunt  
recitandæ cum scrupulo & anxietate, sed ne-  
que etiam ex negligentia & animi leuitate,  
omittendæ. Istudne attendis?

10. Sunt aliæ breues precatiunculæ, quas  
quotidie sine attentione ulla aut sensu pietatis  
effundis, cuiusmodi est Angelica salutatio  
ad pulsum campanæ, matutinis, meridianis &  
vespertinis horis; Benedictio & Gratiarum  
actio ad mensam, persequere hoc modo reli-  
quas, & emenda.

11. Inter preces deuotionis, quas Christo  
& sanctissimæ eius matri persoluturus es,  
locum habeant Litaniæ de nomine Iesu, & de  
B. Virgine : & si precariam Corollam quoti-  
die potes euoluere, quidni velis?

12. At præcipua quadam religione, adeas  
visitandi gratiâ Venerabile Sacramentum,  
idque frequenter, ardenter, & cum reueren-  
tia sed filiali, amicâque.

13. Nihil unquam aggrediaris, non ab ope-  
re desiste, non domo, ne cubili quidem exeras,  
nulla tibi hora prætereat, sine aliqua prece;  
nunquid hoc potes?

14. Habe versus aliquot ex psalmis, aut  
alijs sacris libris, tibi familiares, manda me-  
moriæ locum aliquem, aut ex oratione matu-  
tina

tina delige aliquid , quod reliquo die tibi de-  
seruiat: aut denique laxa habenas cordiu-  
vt ex occasione Deum pro arbitratu allo-  
quatur.

15. Qua religione es in Angelum tuum  
tutelarem, in Patronum nominis, in sanctum  
menstrua fortitione tibi obuenientem, in alios  
Cælites , quorum patrocinium aut dignitas  
ad peculiarem culrum te obligat?

16. Quomodo vteris rebus , quas vocant  
sacmentales , quæ semper aliquam nobis  
gratiam & fauorem conciliant, si debita reue-  
rentia usurpentur, vt sunt aqua lustralis, Cera  
benedicta, Rami, candelæ , Imagines sancto-  
rum, eorumque reliquiæ, numisnata; & Indul-  
gentiæ ? an non resideret in animo quidam n-  
rum similiūm contemptus, quædam incredu-  
litas, quidam neglectus?

17. Quas fundis preces pro Ecclesia , pro  
superioribus, pro benefactoribus, pro amicis  
& inimicis tuis , pro animarum conuersione,  
pro vitâ functis, proque alijs necessitatibus?  
Preces in eam rem ab Ecclesiâ compositæ  
semper efficacissimæ sunt.

18. Si te aliorum precibus commendas,  
nōnne vis vt tui peculiariter meminerint;  
idem igitur & tu redhibe ijs officium , qui se  
tibi commendarunt.

19. Preces tuæ nunquam spectent aliquid  
absolutè, sed subiectæ sint Diuinæ voluntati,  
cui melius , quam nobis perspectæ sunt ne-  
cessitates

cessitates & utilitates nostræ; sint etiam vni-  
tæ meritis & intentionibus Christi Domini:  
& potius procedant à Spiritu sancto, cuius  
gemitus inenarrabiles omnibus nostris naturali-  
bus desiderijs & votis, potentiores sunt.

20. Agnosce multa defuisse precibus tuis,  
veniam pete, & gratiam emendationis.

### LECTIONES.

*Ex scriptura Caput 2. Ieremiæ 15. S. Lucæ, &  
6. Epistolæ 2. ad Corinthios.*

*Ex libello Exercitiorum. Meditatio de regno  
Christi posita initio secundæ hebdomadis.  
Item de duobus vexillis.*

*Ex Thoma Kempensi Caput 1. 7. & 8. secundi  
lib.*

Q V IN.